

Na osnovu članka 82. stav (1) Zakona o veterinarstvu u Bosni i Hercegovini („Službeni glasnik BiH“ br. 34/02) a u cilju ispunjavanja odredbi stava (1) članka 3. Pravilnik o službenim kontrolama koje se provode radi verifikacije postupanja u skladu s odredbama propisa o hrani i hrani za životinje te propisa o zdravlju i dobrobiti životinja („Službeni glasnik BiH“ broj 5/13 i 62/17) Ured za veterinarstvo Bosne i Hercegovine donosi

NAPUTAK
O METODOLOGIJI ODREĐIVANJA MINIMALNE UČESTALOSTI SLUŽBENIH
VETERINARSKIH KONTROLA NA POSJEDU GOVEDA, OVACA I KOZA

Član 1.
(Cilj)

Cilj ovog Naputka je da osigura jedinstveni način određivanje minimalne učestalosti službenih veterinarskih kontrola na posjedima, a u svrhu uspostavljanja jedinstvenih principa službene veterinarske kontrole na posjedima, kako bi se osiguralo da se potrošači snabdijevaju sigurnim i kvalitetnim proizvodima životinjskog podrijetla, u skladu sa zakonom propisanim uvjetima.

Član 2.
(Područje primjene)

Naputak se odnosi na nadležna entitetska tijela i Brčko Distrikt koji vrše planiranje, izradu i implementaciju planova službenih kontrola na posjedima goveda, ovaca i koza.

Član 3.
(Obaveze)

- (1) Nadležna tijela entiteta i Brčko Distrikta koja vrši službene veterinarske kontrole na posjedima goveda, ovaca i koza (u daljem tekstu: „posjed“) dužni su da na osnovu utvrđenog rizika i koristeći parametre iz Priloga I. ovog Naputka odrede minimalnu učestalost službenih kontrola na posjedima koja se nalazi u njihovoj nadležnosti.
- (2) Procjenu rizika, u svrhu određivanja učestalosti službenih kontrola iz stava (1) ovog člana za narednu godinu, nadležna tijela entiteta i Brčko Distrikta obavezni su uraditi najkasnije do 15. decembra tekuće godine.
- (3) Nadležna tijela entiteta i Brčko Distrikta koji vrše službene veterinarske kontrole odgovorni su za organizaciju, koordinaciju i provođenje službenih veterinarskih kontrola na posjedima u skladu sa učestalošću utvrđenom na osnovu procjene rizika iz stava (2) ovog člana, te u skladu sa važećim propisima.
- (4) Na zahtjev nadležnih tijela entiteta i Brčko Distrikta, Ured za veterinarstvo Bosne i Hercegovine će pružiti tehničku i stručnu podršku za provođenje procjene rizika posjeda.

Član 4.
(Vođenje zapisa)

Sve aktivnosti koje nadležna tijela entiteta i Brčko Distrikta provode u svrhu ispunjavanja odredbi člankom 3. ovog Naputka moraju biti dokumentirane.


Član 5.
(Prilozi)

Prilog I. je sastavni dio ovog Naputka.


Član 6.
(Stupanje na snagu i objavljivanje)

Naputak stupa na snagu danom donošenja i objavljuje se na web stranici Ureda za veterinarstvo Bosne i Hercegovine.

DIREKTOR



Saša Bošković, dr vet. med.



Broj: 03-4-02-2-633-1/23
Datum: 18.04.2023

PRILOG I- Metodologija za procjenu rizika i izračun učestalosti službenih kontrola na posjedima

DIO A- Sadržaj plana učestalosti službenih kontrola posjeda

Svaki plan učestalosti službenih kontrola posjeda na kojim se drže goveda, ovce i koze mora da sadrži minimalno sljedeće informacije:

- a) nadležno tijelo koje donosi plan službenih kontrola
- b) nadležna tijela koja provode plan službenih kontrola
- c) metodologiju procjene rizika za izračun učestalosti službenih kontrola
- d) izvor korištenih podataka za izradu plana službenih kontrola,
- e) predmet službene kontrole prema vrstama životinja koje se drže na posjedu
- f) frekvenciju učestalosti službene kontrole

DIO B- metodologija za procjenu rizika

Kriteriji za određivanje učestalosti službenih kontrola po broju grla na posjedu i procenta posjeda koji se obuhvata službenom kontrolom

Skupine	Skupine (Broj grla na posjedu)	procentat posjeda koji se obuhvata službenom kontrolom
A	1-5	10%
B	6-10	10%
C	11-20	10%
D	21-40	10%
E	41-100	10%
F	101 i više	10%

Odabir posjeda koje su predmet kontrole provodi se na osnovu analize rizika, koja za svaki posjed uzima posebno u obzir sljedeće:

- a) broj životinja na posjedu, uključujući detalje o svim životinjama koje se nalaze na posjedu i o životinjama koje su označene na posjedu;
- b) aspekte javnoga zdravstva i zdravlja životinja, a naročito prethodne slučajeve izbijanja bolesti;
- c) iznos godišnjih poticaja za životinje koji je zatražen i/ili isplaćen posjedu, u usporedbi s iznosom koji je isplaćen za prethodnu godinu;
- d) značajne promjene u odnosu na stanje prethodnih godina;
- e) rezultate kontrola provedenih u ranijim godinama, naročito:
 - 1) pravilno vođenje Registra životinja na posjedu,
 - 2) pravilno čuvanje dokumenata za kretanje za životinje koje se nalaze na posjedu,
 - 3) pravilno dostavljanje podataka svim nadležnim tijelima;
- f) ostale propisane kriterije u odnosu na namjenu životinja.